

通鑑綱目

四十六之下


德宗

東 京 圖 書 館			
九	二	五	正史類
七	八	〇	函架
冊	號	架	函架

漢 書 門			
九	二	五	函架
七	八	〇	冊架
冊	號	架	冊架

內 閣 文 庫	
三	五
三	九
函	六
一	七
九	七
架	冊
冊	架

內 閣 文 庫	
番 號	漢 5967
冊 數	97 (75)
函 號	283 35



綴じ部(喉部分)の文字など開きが不鮮明な箇所あり

五月詔增稅錢

漢書文庫

淮南節度使陳少遊奏本道稅錢每千請增二百詔他道皆增稅錢視此文詔鹽每斗價

皆增百錢淮南節度注見漢武帝元朔五年淮南

書法 書譏重歛也終綱目田稅書增二雜稅書增二詳建中二年德宗各有其

正焉

以易定滄州為義武軍

質實

義武軍注見周威烈王二十三年中

山 ○以源休為光祿卿

圖書印

圖書印

上遣源休送突董等喪還其國可汗遣其相
頡子思迎等迎之頡子思迎立休等於帳前
雪中詰以殺突董之狀欲殺者數四留五十
日可汗遣人謂之曰國人皆欲殺汝以償怨
我意不然汝國已殺突董等我又殺汝如以
血洗血汚益甚耳今吾以水洗血不亦善乎
竟不得見可汗而還休有口辯盧杞恐

集覽

突董回紇大臣之名先使于唐而遣歸國至
振武留數月人甚苦之留後張光晟殺之可
汗注見漢後
主景耀四年

六月李懷光擊朱滔王武俊於愜山敗績

考異

擊當
作討

朱滔王武俊軍至魏州田悅具牛酒出迎滔
營於愜山李懷光軍亦至馬燧等盛軍容迎
之滔以為襲已遽出陳懷光欲乘其營壘未
就擊之燧請且休士觀豐懷光曰時不可失
遂擊滔滔軍崩沮懷光按轡觀之有喜色士
卒爭取寶貨武俊引駟橫衝之懷光軍分為
二滔引兵繼之官軍大敗溺死者不可勝數
燧等各收軍保壘滔堰水絕官軍糧道歸路
深三尺餘燧懼遣使卑辭謝滔求歸武俊以
為不可許滔不從燧與諸軍涉水而西保魏
縣以拒滔武俊由是恨滔滔等亦引
兵營魏縣東南與官軍隔水相拒

質實

一統

志云愜山在大名府大名縣北一十五里漢成帝時河決俾王延世於此運土以塞河頗愜人心故名魏縣注見漢成帝綏和二年

秋七月李晟趨趙州

晟請以所將兵北解趙州之圍與張孝忠合勢圖范陽上許之晟趨趙州王士真解圍去晟北畧
質實 范陽郡名注見漢帝玄更始二年涿郡趙州注見漢景帝三年
恒州 趙國恒州注見漢光武建武九年常山

冬十月以曹王舉為江西節度使

舉至洪州悉集將佐簡閱其才得牙將伊慎王鏐等擢為大將引許孟容至幕府慎嘗從李希烈希烈愛其才欲留之慎逃歸希烈聞舉用慎恐為已患遣慎七屬甲詐為復書墜之境上上聞之遣中使即軍中斬慎會江賊入寇舉遣慎擊賊自贖慎擊破之由是得免
集覽 七屬甲禮冬官考工記函人為甲犀甲七屬注云屬讀如灌注之注謂上旅下旅札續之數也疏云屬取注著意一葉為一札陳祥道云上旅謂要以上下旅謂要以下也又三屬甲注見秦昭襄王五十二年
質實 江西節度注見梁洪州注見漢武帝元鼎五年豫章伊慎兗州人王鏐太原人許孟容長安人幕府注見秦

王政
三年

以閣播同平章事

盧杞知上必更立相恐其分已權薦播儒厚可鎮風俗遂以為相政事皆决於杞播但歛衽無所可否上嘗從容與宰相論事播欲有所言杞目之而止出謂之曰以足下端慤少言故相引至此邇者柰何發質實從容注見口欲言邪播自是不敢復言秦二世二年

十一月加陳少遊同平章事

范氏曰少遊重歛以求寵此民賊也德宗推其法於天下而以宰相賞之安得無顛覆之禍乎

朱滔田悅王武俊李納皆自稱王

田悅德朱滔與王武俊議奉滔為主臣事之滔不可幽州判官李子干等共議以為如此則常為叛臣用兵無名使將吏無所依歸請與鄆州為四國俱稱王而不改年號滔等皆以為然乃自稱冀王為盟主悅稱魏王武俊稱趙王納稱齊王築壇告天而受之各置百官皆倣天朝而易其名武俊以孟華為司禮尚書華不受嘔血死以衛常寧為內史監常

通鑑綱目卷四十一 唐僖宗皇帝三年

寧謀殺武俊武俊殺之胡氏曰君子有言雖盜賊相聚禮樂未嘗亡必有統屬即禮也必相聽順即樂也此其良心不可滅者也顧為利欲所昏刑威所劫則淪胥以敗耳李子干之惡為叛臣豈非秉彛懿德乎惜乎惡其名而不惡其實見其小而不見其大爾苟能惡叛臣之實而見君臣之大義勸以順事朝廷勿得專土幸而見聽功孰與比不幸而斥而殺其忠義之節終古不泯方

質實

齊州名注見漢景帝

三年 濟南

十二月李希烈自稱天下都元帥

詔以李希烈兼平盧節度使討李納希烈帥所部徙鎮許州遣所親詣納與謀共襲汴州遣使告李勉假道之官勉為之治橋具饌以待之而嚴為之備希烈竟不至又密與朱滔等交通納亦數遣遊兵度汴迎希烈由是東南轉輸者皆自蔡水而上滔等與官軍相拒累月官軍有度支饋糧諸道益兵而幽趙孤軍深入專仰給於田悅聞李希烈軍勢盛頗相怨望乃相與謀遣使詣許州勸希烈稱帝希烈由是自稱天下都元帥

質實

許州

注見漢後主建興十年許昌蔡水未詳處所唯汝寧府上蔡縣西南二里有蔡溝其水盈涸無源古曰蔡河疑即此

癸亥四年春正月李希烈陷汝州詔遣顏真卿宣

慰之

李元平者薄有才藝性疎傲敢大言好論兵關播奇之薦於上以為將相之器以汝州近許擢元平為別駕知州事元平至即募工徒治城希烈陰使壯士數百人往應募繼遣其將李克誠將數百騎突至城下應募者應之於內縛元平馳去元平見希烈恐懼便液汚地希烈罵之曰盲宰相以汝當我何相輕也遣別將取尉氏圍鄭州東都震駭初盧杞惡太子太師顏真卿欲出之真卿謂曰先中丞傳首至平原真卿以舌舐面血今相公忍不

相容乎杞矍然起拜而恨之益深至是上問計於杞杞對曰誠得儒雅重臣為陳禍福可不勞軍旅而服顏真卿三朝舊臣忠直剛決名重海內人所信服真其人也上以為然遣真卿宣慰希烈詔下舉朝失色真卿乘驛至東都留守鄭叔則曰往必不免宜少留須後命真卿曰君命也將焉避之遂行李勉表言失一元老為國家羞又使人邀之於道不及真卿與其子書但敕以奉家廟撫諸孤而已至許欲宣詔旨希烈使其養子千餘環繞慢罵拔刃擬之真卿色不變希烈麾眾令退館而禮之欲遣還會李元平在座真卿責之元平慙以密啟白希烈遂留不遣朱滔等各遣使請希烈勸進希烈召真卿示之曰四王見

推不謀而同豈吾獨爲朝廷所忌無所自容
邪真卿曰此乃四凶何謂四王相公不自保
功業爲唐忠臣乃與亂臣賊子相從求與之
同覆滅邪希烈不悅他日又與四使同宴四
使曰都統將稱大號而太師遣至是天以宰
相賜都統也真卿叱之曰汝知有罵安祿山
而死者顏杲卿乎乃吾兄也吾年八十知守
節而死耳豈受汝曹誘脇乎希烈掘坎於庭
云欲阬之真卿怡然見希烈曰死生已定何
必多端亟以一劍相與豈不快公心事邪希
烈乃謝之范氏曰關播薦李元平盧杞陷顏
真卿宰相之所好惡如此其事暴於天下非
難見也而德宗不知惟其不好直而好佞所
以蔽也胡氏曰魯公清忠直道再爲常伯輔

相有虛位而不用人君非知己矣年踰七十
致仕而歸不亦善乎而與盧杞同朝且有
相容之訴而觸其所集覽盲宰相目無瞳子
惡聞者難以言智矣曰盲以喻關播不
識人尉氏注見晉惠帝末康元年先中丞謂
盧杞父奕也天寶初拜御史中丞安祿山陷
東都被殺傳首至平原真卿執其使取奕首
續以蒲身葬之魯公代宗時封真卿爲魯郡
公時不以姓名稱而獨曰魯公可爲常伯常
伯者常所伯長卽今尚書也真卿先嘗爲工
部尚書貶爲峽州別駕後復爲刑部尚質實
書故曰再爲常伯也常伯又注見下
汝州注見漢光武建武二年鄭州注見梁武
帝普通六年平原縣名注見漢光武建武五

年

詔東都汝州節度使哥舒曜討李希烈二月克

汝州○三月曹王臯敗李希烈兵斬其將拔黃

蘄州

考異

斬當作誅

時希烈兵柵蔡山險不可攻臯聲言西取蘄州引舟師泝江而上希烈之將引兵隨戰臯乃復放舟順流而下急攻蔡山拔之遂進拔蘄州表伊慎為刺史
質實黃州注見晉懷帝元嘉元年蘄州注見陳宣帝太建五年齊昌蔡山在黃州府黃梅縣南五十二里

山出大

龜故名

李希烈引兵歸蔡州

希烈遣其都虞候周曾等將兵三萬攻哥舒曜曾等密謀還軍襲希烈奉顏真卿為節度使希烈知之襲曾等殺之其黨寇鄭州者聞之亦遁歸希烈乃上表歸咎於周曾等引兵還蔡州外示從順實待朱滔等之援也胡氏曰周曾之計若成顏真卿肯從之乎曰從之則何以異於群叛真卿固不為也亦將勸以請帥于朝矣
質實蔡州注見漢光武建

武十九年汝南

荆南軍與李希烈戰敗績

荆南節度使張伯儀與希烈兵戰于安州大敗亡其所持節希烈使人以示頗真卿真卿號慟投地絕而復蘇白是不復言

質實

安州注見周世宗顯德五年安陸

夏四月以白志貞為京城召募使

志貞請諸嘗為節度觀察都團練使者不問存沒金勒其子弟帥奴馬自備資裝從軍授以五品官貧者苦之人心始推

李晟圍清苑朱滔救之晟軍大敗

李晟謀取涿莫二州以絕幽魏往來之路圍清苑累月不下朱滔自將救之晟軍大敗還保定州王武俊以滔未還魏橋遣宋端趣之言頗不遜滔怒曰滔以救魏博之故叛君棄兄如脫屣二兄必相疑惟二兄所為武俊遣使者見滔謝之然以是益恨滔矣李抱真使叅謀賈林請武俊詐降說之曰天子知大夫宿著誠效登壇之日撫膺顧左右曰我本狗忠義天子不察諸將亦嘗共表大夫之志天子語使者曰朕前事誠誤悔之無及朋友失意尚可謝况朕為四海之主乎武俊曰僕胡人也為將尚知愛百姓况天子豈專以殺人為事乎僕不憚歸國但已與諸鎮結盟不欲使曲在已天子誠能下詔赦諸鎮之罪僕當

首唱從化有不從者請奉辭伐之如此則上不負天子下不負同列不過五旬河朔定矣使林還報抱質實莫州名注見周世宗顯德真陰相約結六年一統志云清苑縣名本漢樊輿縣屬涿郡北齊省入永寧軍後置樂鄉縣隋改為清苑縣屬河間郡以境內有清苑河故名唐屬莫州五代因之宋改為保寧塞縣金復為清苑縣元仍舊本朝因之為保定府治所仍屬焉

初行稅間架除陌錢法

時河東澤潞河陽朔方四軍屯魏縣神策永平宣武淮南浙西荆南江泗沔鄂湖南黔中

劍南嶺南諸軍環淮寧之境舊制諸道軍出境則仰給度支上優恤士卒每出境加給酒肉本道糧仍給其家一人蕪三人之給故將士利之各出軍總逾境而止月費錢百三十餘萬緡常賦不能供判度支趙贊乃奏行二法所謂稅間架者每屋兩架為間上至稅錢二千中稅千下稅五百敢匿一間杖六十賞告者錢五十緡所謂除陌錢者公私給與及賣買每緡官留五十錢給他物及相貿易者約錢為率敢隱錢百者杖六十罰錢二千賞告者錢十緡賞錢皆出坐者於是愁怨之聲盈於遠近范氏曰德宗有平一海內之志而求欲速之功不務養民而先用武民愁兵怨激而成亂自古不固邦本而攻戰不息者必

有意外之患此後王之深戒也胡氏曰稅間架墊陌錢其事至陋而禍甚速然其流終不能絕也手實之法自室廬而及於釜盎狗鷄不甚於稅間架乎入官者以百為陌其出也留其二十有三不甚於墊陌錢乎前世以此喪邦後世以此理財謂人主可欺也豈非孟子所謂

集覽 墊陌錢墊即除也其法凡公私民賊乎貿易千錢舊止除留二十今加

為五十也手實之法宋神宗熙寧四年行募役法令人出免役錢七年呂惠卿言免役出錢不均行手實法手實者令民自具丁口田宅之實隱落者許告以百為陌夢溪筆談曰今之數錢百錢謂之陌者借陌字用之其實只是百字如什與伍爾留其二十有三夢溪

筆談曰唐自皇甫鎛為墊錢法至昭宗末乃定八十為陌五代漢隱帝時三司使王章每出官錢文減三錢以七十七質實 澤潞軍名錢為陌輸官錢仍用八十澤注見梁

武帝中大通六年建州潞注見周赧王五十二年上黨一統志云神策軍名本秦隴西郡地後魏始築城置鎮隋置華亭縣屬安定郡唐省入隴州開源縣又為神策軍五代唐時以廢縣置義州後州復置華亭縣宋改義州為儀州熙寧中廢州以縣屬渭州金屬平涼府元以化平縣省入本朝因之改屬平涼

府沔鄂軍名沔注見玄宗天寶六年漢陽鄂注見漢後王建興七年武昌縣中軍名注見周顯王五年淮寧未詳處所或疑即淮寧府

法見周赧王

三十七年陳

書法

書初何謹始也是法行而愁怨之聲盈於遠近矣○房屋有稅及官用省

錢始

此

發明

天下之財自足以周天下之用一歲之入自足以供一歲之出德宗以用

兵之故財用不給前既書復權天下酒又書括富商錢又書詔增稅錢矣而費愈不支况四凶連衡賊勢轉熾官軍屢以敗告在德宗亦盍少自悔悟思為變通之計可也夫何迷而不復至是始行間架陌錢之法峻削既甚根本遂搖雖微涇卒之變亦

無善後之策勢非大壞極弊禍必未已此固君子所為隱憂者也書初行稅間架除陌錢法足以知其培取無術創為苛虐以毒民者矣他日賊徒大呼以是籍口尚誰咎哉

秋七月遣禮部尚書李揆使吐蕃

李揆有才望盧杞惡之故使之入吐蕃揆言於上曰臣不憚遠行恐死於道路不能達詔命上為之惻然謂杞曰揆無乃太老對曰使遠夷非諳練故事者不可且揆行則自今年少於揆者不敢辭遠使矣揆乃行還至鳳州卒

質實

鳳州注見梁武帝中大通六年

南岐

八月李希烈寇襄城詔發涇原等道兵救之

初上在東宮聞監察御史陸贄名卽位召爲翰林學士數問以得失贄曰克敵之要在乎將得其人馭將之方在乎操得其柄將非其人者兵雖衆不足恃操失其柄者將雖材不爲用將不能使兵國不能馭將非止費財翫寇之弊亦有不戢自焚之災今兩河淮西爲叛亂者獨四五克人而已尚恐其中或有詿誤失圖勢不得止者况其餘衆益並脅從苟知全生豈願爲惡又曰人者邦之本財者人之心心傷則其本傷本傷則枝幹顛瘁矣是以

以兵貴拙速不尚巧遲若不靖於本而移救於末則救之所爲乃禍之所起也又論關中形勢以爲王者蓄威以昭德備廢則危居重以馭輕倒持則悖王畿者四方之本也太宗列置府兵分隸禁衛諸府八百餘所而在關中者殆五百焉舉天下不敵關中則居重馭輕之意明矣承平漸久武備寢微故祿山竊倒持之柄一舉滔天乾元之後繼有外虞悉師東討故吐蕃乘虛深入先帝避之東遊是皆失居重馭輕之權忘深根固柢之慮追想及此豈不寒心今朔方太原之衆遠在山東虜覩邊未密陛下何以禦之立國之安危在勢任事之濟否在人勢苟安則異類同心勢

苟危則舟中敵國陛下豈可不追鑒往事維新令圖修備廢之柄以靖人復倒持之權以固國乎今關輔之間徵發已甚宮苑之內備衛不全萬一將帥之中又如朱滔希烈竊發郊畿驚犯城闕未審陛下復何以備之臣願追還神策六軍節將子弟明敕涇隴邠寧更不徵發仍罷間架等稅冀已輸者弭怨見處者復寧則人心不搖而邦本固矣上不能用范氏曰贊論用兵之致亂如蒼龜之先見何其智哉天下之患在於人莫敢言而君不得知苟言之而不聽則必亂而已矣

集覽

不戢戢側立反藏兵也詩載戢干戈蒼龜

正誤

不戢自焚今按戢斂也左傳衆仲曰兵猶火也弗戢

將自質實 陸贄蘇州嘉興人註誤注見漢元

安十三年府兵注見玄宗開元十年倒持之

柄注見僖宗中和元年神策六軍注見玄宗

天寶十五載涇隴二州名涇注見漢光武建

武元年安定隴注同上建武六年涇邠寧二

州名注見肅宗上元元年

九月神策宣武兵襲許州敗於滄澗

時李勉遣其將唐漢臣將兵萬人救襄城上遣神策將劉德信帥諸將家應募者三千人助之勉奏希烈精兵皆在襄城許州空虛若襲許州則襄城自解遣二將趣許州未至數

十里上遣中使責其違詔二將狼狽而返李
 克誠伏兵邀之於滄澗殺傷大半希烈遊兵
 至伊闕勉復遣其將李堅帥兵助守東都希
 烈以兵絕其後堅軍不得還汴軍由是不振
 襄城集覽滄澗滄侯古反水名靈質實襄城
 益危龜負書出玄滄水即此縣名
 注見周赧王十五年狼狽注見漢獻帝初平
 三年滄澗二水名滄在河南府永寧縣西五
 十二里源出陽虛山流入洛澗在河南府澗
 池縣白石山東流經新安洛陽入於洛周書
 所謂澗水東瀍水西即此二水
 伊闕山名注見周安王十五年

冬十月涇原兵過京師作亂上如奉天朱泚反

據長安考異上當作帝

上發涇原等道兵救襄城十月節度使姚令
 言將兵五千至京城軍士冒雨寒甚多携子
 弟而來冀得厚賜遺其家既至一無所賜發
 至澧水詔京兆尹王翊犒師惟糲食菜餒衆
 怒蹴而覆之曰吾輩將死於敵而食且不飽
 安能以微命拒白及邪聞瓊林大盈二庫金
 帛盈溢不如相與取之乃擐甲張旗最譟還
 趣京城上遽命賜帛人二匹衆益怒射中使
 殺之遂入城百姓駭走賊大呼告之曰汝曹
 勿恐不奪汝商貨僦質矣不稅汝間架陌錢
 矣初白志貞募禁兵東征死亡者皆不以聞
 但受市井富兒賂而補之名在軍籍受給賜

鼓

而身居市廛爲販鬻段秀實上言禁兵不精其數全少卒有患難何以待之不聽至是上召禁兵以禦賊竟無一人至者乃與太子諸王公主自苑北門出王貴妃以傳國寶繫衣中宦官竇文場霍仙鳴帥宦官左右僅百人以從後宮諸王公主不及從者什七八范氏曰周公作正政以戒成王自左右常伯至于綴衣虎賁皆選忠良而勿以儉人是時齊侯呂伋掌天子之兵故康王之立太保命仲桓南宮毛取干戈虎賁於伋以逆之周家以爲天子心膂爪牙者太公之子也其廢之也以宰相之命二諸侯往焉慎重如此王室其可亂乎晉悼公使其臣訓諸御知義群騶知禮至漢之時宿衛者猶以忠力之臣與公卿之

子蓋古之遺法也夫以天子之尊必使諸侯與天下之賢者共扞衛之訓其徒旅使知禮義然後足以爲國後世苟簡人君多疑寧與小人而不與君子德宗之世所任尤非其人至於變起京邑而無一卒之衛其後懲前之失委之宦者而其禍愈深夫聚天下不義之人使執利器而環天下之居不以付之忠賢臣是以知後世人主之不尊國家之無法也○翰林學士姜公輔叩馬言曰朱泚嘗爲涇帥廢處京師心常快快今亂兵若奉以爲主則難制矣請召使從行上曰無及矣夜至咸陽飯數匕而過群臣皆不知乘輿所之盧杞關播白志真王翊陸贄等追及於咸陽賊登含元殿糞諫爭入府庫運金帛姚令言曰今

衆無主不能持久朱太尉閑居私第請相與奉之衆許諾乃遣騎迎朱泚入宮居白華殿自稱權知六軍百官出見泚或勸迎乘與泚不悅源休以使回紇還賞薄怨朝廷入見泚爲陳成敗引符命勸之僭逆上思桑道茂之言幸奉天金吾大將軍渾瑊繼至城素有威望衆心恃之稍安檢校司空李忠臣大僕卿張光晟皆鬱鬱不得志至是與工部侍郎蔣鎮皆爲泚用泚以司農卿段秀實久失兵柄意其必快快遣騎召之不納騎士逾垣入劫之秀實乃謂子弟曰吾當以死徇社稷耳乃往見泚說之曰犒賜不豐有司之過也天子安得知之公宜以此開諭將士示以禍福奉迎乘輿此莫大之功也泚不悅上徵近道兵

入援有上言朱泚爲亂兵所立且來攻城宜早修守備盧杞切齒言曰朱泚忠貞群臣莫及柰何言其從亂傷大臣心臣請以百口保其不反上亦以爲然又聞群臣勸泚奉迎乃詔諸道援兵至者皆營於三十里外姜公輔諫曰今宿衛軍寡有備無患若泚奉迎何憚兵多上乃悉召援兵入城盧杞白志貞請擇大臣入城宣慰金吾將軍吳淑獨請行退而告人曰食其祿而違其難何以爲臣吾非不知往必死但舉朝無蹈難之臣使聖情慊慊耳遂奉詔詰

集覽

菜餒餒杜覽反餅餒也麩泚泚殺之

于綴衣虎賁書立政篇蔡氏傳曰王左右之臣有牧民之長曰常伯主服器者曰綴衣執

射御者曰虎賁皆近臣之長奉

質實

澧水注見玄宗

天縣名屬京兆唐末建為乾州

天寶二年市井注見宋孝武孝建元年市廛

市買賣之所易日中為市又都邑也廛市中

空地說文一晦半一家之居也孟子願受一

廛而為氓亦作鄠姜公輔愛州人怏怏注見

漢光武建武二年咸陽縣名注見周顯王十

九年乘輿注見漢安帝延光四年王翊晉陽

人含元殿注見憲宗元和十四年奉天縣

名注見建中元年吳淑濮州人湊之弟

發明

老子曰佳兵者不祥之器夫兵猶火

用兵不已蓋自建中二年討梁崇義討田

悅之後至是凡三年間兵禍四起征調日

繁凡見於綱目所書者皆可覆也一旦寇

賊竊發大駕蒙塵幾亡社稷是果誰之咎

哉綱目上書發涇原兵救襄城此書涇原

兵過京師作亂其為殷鑒豈不甚明人主

觀此其亦知所自治而

不以窮兵黷武為事乎

司農卿段秀實謀誅朱泚不克死之

秀實與將軍劉海濱涇原將吏何明禮岐靈

岳謀誅朱泚迎乘輿未發泚遣韓旻將銳兵

三千聲言迎駕實襲奉天秀實謂靈岳曰事

急矣使靈岳詐為姚令言符令旻且還竊其

印未至秀實倒用司農印印符追之旻得符

而還秀實謂同謀曰旻還吾屬無類矣我當

直搏泚殺之不克則死終不能為之臣也使
海濱明禮陰結死士為應旻至泚令言大驚
靈岳獨承其罪而死泚召李忠臣源休姚令
言及秀實等議稱帝事秀實勃然起奪休象
笏前唾泚面大罵曰狂賊吾恨不斬汝萬段
豈從汝反邪因以笏擊泚中其額濺血灑地
海濱不敢進而逸忠臣前助泚泚得脫走秀
實知事不成謂泚黨曰我不同汝反何不殺
我眾爭前殺之海濱捕得見殺明禮從泚攻
奉天復謀殺泚亦死上聞秀實之死恨委用
不至涕泗久之胡氏曰秀實不死志將有所
圖也然無濟理也則亟死為正秀實亦可謂
知所處者然恨其未盡善也亂兵入城天子
出避執羈勒以從人臣所當為也秀實不知

此而猶為司農卿見幾不敏

集覽

執羈勒以從人臣所

措哉抱忠負材草草而死也
當為羈音基馬絡頭也勒音的馬韁也從去
聲春秋衛獻公以魯襄十四年出奔齊二十
六年復歸於衛至使讓太叔文子曰寡人淹
血在外吾子獨不在寡人對曰臣不能負羈
緦以從扞牧圉臣之罪也又
記檀弓篇孰執羈勒而從

質實

司農卿注見漢武帝

太初元年

鳳翔將李楚琳殺節度使張鎰降于朱泚

鎰性懦緩好修飾邊幅不習軍事聞上在奉
天欲迎大駕具服用貨財獻于行在楚琳嘗

事朱泚為泚所厚行軍司馬齊映齊抗言於
鎰曰不去楚琳必為亂首鎰命楚琳出屯隴
州楚琳夜與其黨作亂殺鎰上始以奉天追
鎰欲幸鳳翔戶部尚書蕭復曰鳳翔將卒皆
朱泚故部曲其中必有與之同惡者臣尚憂
張鎰不能久豈得以鑾輿蹈不測之淵乎上
曰吾行計已決試為卿留一日明日聞亂乃
止齊映齊抗皆詣奉天以映為御史中丞抗
為侍御史楚琳自為節度使降于朱泚

質實

行在注見漢武帝天漢二年蕭復蘭陵人衡之子鳳翔府名注見周顯王八年

岐部曲注見陳文帝天嘉元年
鑾輿注見宋明帝泰始六年

朱泚僭號

朱泚自稱大秦皇帝改元應天以姚令言李
忠臣為侍中源休同平章事蔣鎮樊系張光
晟等拜官有差立弟滔為皇太弟休勸泚誅
翦宗室以絕人望殺凡七十七人系為泚撰
冊文既成仰藥而死大理卿蔣沈請行在為
賊所得逼以官沈絕食稱病潛竄得免泚尋
改國號漢范氏曰死非難也處死為難使系
能拒泚不作冊文而死豈不為忠臣乎而文
成乃死是亦為逆矣惜哉夫為忠為逆在作
與不作而已系之不敢拒泚不過畏死而卒
不免然則其死也特臧獲婢妾之引決耳非
能勇也士有不幸而身處危亂者其亦視此

以為集覽仰藥案漢書注仰首而飲藥也又

戒哉司馬君實明妃曲白頭蕭大傳被

逸仰藥更無疑注仰去聲仰藥自殺也沈惟

沔反臧獲前書司馬相如傳注應劭曰方言

荆淮海岱之間罵奴曰臧罵婢曰獲左傳得

用曰獲燕之北郊男而昏婢謂之臧女而婦

奴謂之獲服皮通俗文曰古本無奴婢即犯

事者或原之臧者被臧罪沒入為官奴婢獲

者逃亡獲得為奴婢引决質實大理卿注見

注見宋明帝泰始七年唐高祖武德

九年蔣沈萊州膠水人欽緒之子

李希烈陷襄城○以馮河清為涇原節度使

右龍武將軍李觀將衛兵千餘人從上於奉

天上委之召募數日得五千餘人列之通衢

旗鼓嚴整城人為之增氣姚令言之東出也

以馮河清為判官姚况知州事河清况聞上

幸奉天集將士大哭激以忠義發甲兵輸行

在城中得之士氣大振詔以河清為節度使

殺右僕射崔寧

上至奉天數日崔寧始至上喜甚撫勞有加

寧退謂所親曰主上聰明英武從善如流但

為盧杞所惑以至於此因潛然出涕杞聞之

與王翊謀陷之會此下詔以寧為中書令胡

詐為寧遣泚書獻之杞譖寧與泚結盟約為
內應故獨後至上遣中使縊殺之中外皆稱

其**集覽**潛然出涕詩大東篇潛焉出涕注
潛焉涕流貌潛音所姦山晏二反

書法崔寧何崔旰也旰殺主帥罪人也朝
而遣還嘗書復使還矣失刑為讖則

今而誅之宜也其以無罪書殺何殺不以其
罪一以

殺書之
發明盧杞誣楊炎德宗既遣中使縊殺之
今杞又譖崔寧德宗復用此策夫僕

射師長百僚使其有罪亦當與之辨明可
也曖昧殺之是否不分果何謂耶夫盧杞

之姦所以敢於誣罔而不疑者亦以德宗
之性愚闇易入故耳書殺書官崔寧亦可

哀也

李懷光帥眾赴長安

上遣中使告難於魏縣行營諸將相與慟哭

懷光遂赴長安馬燧李芑引兵歸鎮李抱真

退屯

集覽魏縣行營唐自祿山反邊兵之精
銳者皆徵發入援謂之行營時河

東澤潞河陽朔方四軍

屯魏縣故曰魏縣行營

書法書赴長安
予義也

以蕭復劉從一姜公輔同平章事○泚犯奉天
詔韓遊瓌渾瑊拒之

泚自將逼奉天軍勢甚盛邠寧留後韓遊瓌
將兵拒泚遇於醴泉遊瓌欲還監軍崔文秀
曰我向奉天賊亦隨至是引賊以迫天子也
不若留壁於此賊必不敢越我若不顧而過
則與奉天夾攻之遊瓌曰賊彊我弱若賊分
軍以綴我直趣奉天奉天兵亦弱何夾攻之
有我今急趣奉天所以衛天子也遂引兵還
泚亦隨至渾瑊與遊瓌血戰竟日賊乃退造
攻具毀佛寺以為梯衝遊瓌曰寺材皆乾薪
但具火以待之上與陸贄語及亂故深自克

責贄曰致今日之患皆群臣之罪也上曰此
亦天命非由人事贄退上疏曰陛下志一區
宇四征不庭兇渠稽誅逆將繼亂兵連禍結
行及三年行者有鋒刃之憂居者有誅求之
困非常之虞億兆同慮唯陛下穆然凝濠獨
不得聞至使兇卒鼓行白晝犯闕陛下有股
肱之臣有耳目之任有諫諍之列有備禦之
司見危不能竭其誠臨難不能效其死所謂
群臣之罪豈徒言歟臣又聞之天所視聽皆
因於人人事理而天命降亂者未之有也人
事亂而天命降康者亦未之有也自頃征討
頻頻刑網稍密物力竭耗人心驚疑上自朝
列下達蒸黎日夕族黨聚謀咸憂必有變故
旋屬涇原叛卒果如衆庶所虞京師之人動

逾億計固非悉知筭術皆曉占書則明致寇之由未必盡關天命臣聞理或生亂亂或資理有以無難而失守有以多難而興邦今生亂失守之事則既往不可復追矣其資理興邦之業在陛下克勵而謹修之而已胡氏曰陸公論群臣之罪而以股肱耳目為首此指盧杞而不斥其名也贊疏既上而懷光表至於於是逐杞蓋贊之說明辨有理方之詆訐毀罵者其效優矣

集覽 梯衝詩皇矣篇以爾鉤援與爾以鉤引上城者臨臨車也衝衝車也鉤古侯古侯二反衝昌容反說文作輶輶陷陣車也一曰撞

質實 韓遊瓌靈武人醴泉縣名注見中宗嗣聖七年

田悅王武俊寇臨洺

田悅說王武俊共擊李抱真抱真復遣賈林說武俊曰臨洺兵精而有備未易輕也今戰勝得地則利歸魏博不勝則恒冀大傷且易定滄趙皆大夫之故地也不如先取之武俊乃辭悅北歸先是武俊召回紇兵至是回紇達干將三千人至幽州滔因說之欲與俱取東都賈林復說武俊曰自古國家有患未必不因之更興况主上聰明英武天下誰肯捨之共事朱泚乎滔自為盟主以來輕蔑同列今又西倚其兄北引回紇其志欲盡吞河朔而王之大夫雖欲為之臣不可得矣且大夫本以忠義平誅叛臣當時宰相處置失宜為

滔所誑誘故蹉跌至此若與昭義併力取滔其勢必獲滔亡則此自破此不世之功轉禍為福之道也今諸道輻湊攻泚不日當平天下已定大夫乃悔而歸國則已晚矣武俊攘袂作色曰二百年天子吾不能臣豈能臣此田舍兒乎遂密與抱真及馬燧相結約為兄弟然猶集覽達干即磨咄莫賀達干頓也回外事滔集覽紇之大臣皆稱曰達干昭義謂昭義藩鎮

李抱真

質實

東都注見秦莊襄王元年三

年輻湊注見

漢文帝六年

將軍高重捷及泚兵戰死

將軍高重捷與泚驍將李日月戰於梁山破之乘勝逐北賊伏兵掩之斬其首而去上哭之盡哀結蒲為首而葬之泚見其首亦哭曰忠臣也束蒲為身而葬之日月亦戰死於城下歸其尸其母不哭罵曰奚奴國家何負於汝而反死已晚矣及泚敗獨日月之母不坐

集覽

奚奴日月本奚人故罵曰奚奴也奚本東胡宇文之別種注見隋文帝開皇元年

質實

梁山注見晉惠帝元康七年

十一月以韋臯為奉義軍節度使

初泚鎮鳳翔遣將牛雲光戍隴州至是欲執留後韋臯以應泚事泚帥眾奔泚遇泚遣中

使蘇玉齋詔書加臯中丞玉謂之曰韋臯書生也君不如與我俱之隴州臯不受命君以兵誅之如取孤狹耳雲光從之臯乃先納蘇王受其詔書謂雲光曰大使苟無異心請悉納甲兵乃可入雲光易之輸甲兵而入臯伏甲誅之築壇盟將士曰李楚琳賊虐本使既不事上安能恤下宜相與討之遣兄平弁請奉天詔以隴州為奉義軍擢臯為節度使

質實

韋臯京兆萬年人奉義軍注見漢光武建武六年隴

靈武鹽夏渭北諸將合兵入援遇賊潰歸

靈武留後杜希全及鹽夏刺史戴休頰時常春渭北節度李建徽合兵萬人入援將至秦

天上召將相議道所從出渾瑊曰漠谷險狹恐為賊所邀不若自乾陵北過且分賊勢盧杞曰漠谷路近若為賊所邀則城中出兵應接可也儻出乾陵恐驚陵寢瑊曰自此圍城日斬乾陵松柏其驚多矣今城中危急諸道救兵未至唯希全等來所繫非輕若得營據要地則此可破也杞曰陛下行師豈比逆賊上乃從杞策希全等果為賊所邀死傷甚衆四軍皆潰退保邠州此攻益急移帳於乾陵下視城中范氏曰人君聽言以事驗之則群臣忠邪賢不肖見矣姜公輔策朱泚必反蕭復言鳳翔必亂何其明也盧杞以百口保泚而泚反請遣大臣宣慰而吳淑沒又誤援軍奉天益危謀國乘刺如此其人可知矣德宗

雖以公輔與復為相不旋踵而疎斥之杞則
至死而猶以為賢自古臨禍難而不悟鮮有
如德宗者也 **集覽** 乾陵高宗陵墓也在今乾州奉
天縣屬京兆 乖刺謬矣也刺來

葛 **質寶** 州靈武郡名注見太宗貞觀二十年靈
州鹽夏二州名鹽注見貞元三年夏

注見漢武帝元朔元年朔方戴休頰夏州人
漢谷未詳處所 乾陵注見中宗嗣聖元年 邠
州注見漢桓帝 延熹五年 幽

書法 邵陵王綸還軍入援侯景擊之大潰
書惜之也此其不書賊擊之書遇賊

何罪盧杞也於是援軍欲從間道杞固不
許以至遇賊誤國之罪大矣終綱目書入

援十二入衛三赴難三其書
潰者二詳梁武帝太清二年

李晟將兵入援渾瑊擊朱泚破走之奉天圍解

考異 擊當作討

李晟聞上幸奉天引兵出飛狐道晝夜兼行
詔以為行營節度使泚圍奉天經月城中資
糧俱盡嘗遣徒步出城覘賊其人懇以苦寒
乞一襦袴上為求之不獲竟憫默而遣之時
供御絕有糲米二斛每伺賊間夜縋人於城
外採蕪菁根而進之上召公卿將吏謂曰朕
以不德自陷危亡公輩無罪宜早降以救室
家群臣皆頓首流涕期盡死力故將士雖困



急而銳氣不衰范氏曰德宗以饑羸之卒守一縣之地而當朱泚十萬之師備禦俱竭危不容喘所恃者人心未去也卒能克復宗社不失舊物而况以天下之大億兆之衆守之以道德用之以仁義其誰能敵之故人君苟得民心則不在地之廣狹兵之衆寡王天下猶反掌也湯以七十里文王以百里豈不信哉○李懷光以兵五萬入援至蒲城李晟亦自蒲津濟軍於東渭橋有卒四千晟善於撫御與士卒同甘苦人樂從之旬月間至萬餘人泚將何望之襲據華州潼關守將駱元光襲破之遂軍華州召募得萬餘人數破泚兵賊由是不能東出上卽以元光爲節度使馬燧遣其司馬王權及子彙將兵五千人屯中

渭橋泚黨所據惟長安城出戰屢敗泚以爲憂乃急攻奉天造雲梯高廣數丈上容壯士五百人城中恟懼渾瑊迎其所來鑿地道積薪蓄火以待之賊攻南城韓遊瓌引兵嚴備東北賊果併兵攻之推雲梯上施濕氈縣水囊火炬矢石所不能傷賊已有登城者上與渾瑊對泣群臣惟仰首祝天上以無名告身千餘通授瑊使募敢死士禦之時士卒凍餒又乏甲冑瑊撫諭之激以忠義皆鼓譟力戰城中流矢進戰不輟會雲梯輾地道輪陷不能前却火從地出須臾灰燼賊乃引退於是三門出兵太子督戰賊徒大敗李懷光引兵西先遣兵馬使張韶齎蠟表間行至奉天值賊方攻城驅使填塹得間入城上大喜城中

歡聲如雷懷光亦敗泚兵於醴泉泚遂遁歸
 長安衆以為懷光復三日不至則城不守矣
 泚退從臣皆賀汴滑兵馬使賈隱林進言曰
 陛下性太急不能容物若此性未改雖朱泚
 敗亡憂未艾也上甚稱之侍御史万俟著開
 金商運路諸道貢賦繼至用度始振泚至長
 安為城守之計不愛金帛以悅將士加以繕
 完器械日費甚廣及長安平府庫尚有餘蓄
 見者皆追怨有司之暴歛焉范氏曰德宗因
 師出以為名多殖貨利而不知天下之不可
 欺也得財而失民將誰與守矣及其失國反
 為盜資貨悖而出猶不能竭先王不以利為
 利而以義為**集覽**飛狐道飛與蜚通注見漢
 利益以此也王邗三年蜚狐之口襦袴

襦短衣也袴脛衣也袴與綉通漢外戚傳窮
 綉注今之襦襦袴也燕菁注見陳王伯宗光
 大元年不能前却進退兩難也憂未艾左傳
 襄九年大勞未艾注艾息也魚廢反又五蓋
 反漢五行志傳國未艾注艾讀曰刈絕也万
 俟虜復姓也音墨其多殖貨利書仲虺之誥
 不殖貨利注殖生也不**質實**一統志云蒲城
 生資貨財利言不貪也古邑名漢為重
 泉縣地屬馮翊郡後魏於此置白水縣西魏
 始改蒲城縣隋屬同州唐初改為奉先縣屬
 京兆府後復為蒲城縣天祐間屬同州五代
 時屬京兆府宋初屬同州尋復蒲城縣元仍
 舊本朝因之改屬西安府蒲津關名注見
 梁武帝大同元年東渭橋注見漢高后八年

華州注見玄宗開元十一年潼關注見漢獻
帝建安十六年中渭橋注見漢高后八年雲
梯注見隋煬帝大業九年告身注見陳宣帝
大建九年鼓譟注見宋文帝元嘉二十六年
金商二州名金注見漢後主建興八
年西城商注見晉元帝大興元年

書法 書圍解何不以臣加君也故
不書解圍去筆削之法嚴矣

李懷光至奉天詔引軍還取長安

李懷光來赴難數與人言盧杞趙贊白志貞
之姦佞且曰天下之亂皆此曹所為也吾見
上當請誅之杞聞之懼言於上曰懷光勲業
甚復是賴賊徒破膽皆無守心若使之乘勝

取長安則一舉可以滅賊此破竹之勢也今
聽入朝留連累日使賊得成備恐難圖矣上
以為然詔懷光直引軍屯便橋與李建徽李
晟楊惠元共取長安懷光自以數千里赴難
破此解圍而咫尺不得見天子意殊怏怏曰
吾今已為姦臣所排事可知矣遂引兵行○
上問陸贄以當今切務贄上疏曰當今急務
在於審察群情而已矣群情之所甚欲者陛
下先行之所甚惡者陛下先去之欲惡與天
下同而天下不歸者未之有也理亂之本繫
於人心况當變故危疑之際乎頃者中外意
乖君臣道隔郡國之志不達於朝廷朝廷之
誠不升於軒陛上澤闕於下布下情壅於上
聞實事不知知事不實此群情之所甚惡也

夫總天下之智以助聰明順天下之心以施教令則君臣同志何有不從遠邇歸心孰與為亂疏奏旬日無所施行贊又上疏曰臣聞立國之本在乎得衆得衆之要在乎見情在易乾下坤上曰泰坤下乾上曰否損上益下曰益損下益上曰損夫天在下而地處上於位乖矣而反謂之泰者上下交故也君在上而臣處下於義順矣而反謂之否者上下不交故也上約已而裕於人人必悅而奉上矣豈不謂之益乎上蔑人而肆諸已人必怨而叛上矣豈不謂之損乎是以古先聖王之居人上也必以其欲從天下之心而不敢以天下之人從其欲陛下以明威照臨以嚴法制斷故遠者驚疑而阻命逃死之亂作近者畏

懾而偷容避罪之態生人各隱情以言為諱至於變亂將起億兆同憂獨陛下恬然不知方謂太平可致陛下以今日之所觀驗往時之所聞孰真孰虛何得何失則事之通塞備詳之矣人之情偽盡知之矣上乃遣中使諭之曰朕本性甚好推誠亦能納諫將謂君臣一體全不隄防緣推誠信不疑所以反致患害諫官論事例自矜術歸過於朕以自取名又多雷同道聽塗說試加質問遽則辭窮所以近來不多對人非倦於接納也贊以書對曰天不以地有惡木而廢發生天子不以時有小人而廢聽納且一不誠則心莫之保一不信則言莫之行陛下所謂失於誠信以致患害者斯言過矣夫馭之以智則人詐示之

以疑則人偷上行之則下從上施之則下報若誠不盡於已而望盡於人衆必怠而不從矣不誠於前而曰誠於後衆必疑而不信矣是知誠信之道不可斯須而去身願陛下慎守而力行之非所以爲悔也夫仲虺贊揚成湯不稱其無過而稱其改過吉甫歌誦周宣不美其無闕而美其補闕是則聖賢唯以改過爲能不以無過爲貴蓋以爲智者改過而遷善愚者耻過而遂非遷善則其德日新遂非則其惡彌積也諫官不密信非忠厚其於聖德固亦無虧陛下若納諫不違則傳之遠足增美陛下若違諫不納又安能禁之勿傳夫侈言無驗不必用質言當理不必違辭拙而效速者不必愚言甘而利重者不必智考

之以實處之以終其用無他唯善所在衆多之議足見人情必有可行亦有可畏恐不宜一槩輕侮莫之省納且陛下雖窮其辭而未窮其理能服其口而未服其心也夫上好勝必甘於佞辭上耻過必忌於直諫如是則下之諂諛者順旨而忠實之語不聞矣上騁辯必勦說而折人以言上眩明必臆度而虞人以詐如是則下之顧望者自便而切磨之辭不盡矣上厲威必不能降情以接物上恣懷必不能引咎以受規如是則下之畏懼者避辜而情理之說不申矣上情不通於下則人惑而不從其令下情不通於上則君疑而不納其誠誠而不見納則應之以悖令而不見從則加之以刑下悖上刑不貳何待故諫者

多表我之能好諫者直示我之能賢諫者之
狂誣明我之能恕諫者之漏泄彰我之能從
有一于斯皆為盛德諫者有爵賞之利君亦
有理安之利諫者得獻替之名君亦得采納
之名然猶諫者有失中而君無不美唯恐謹
言之不切天下之不聞如此則納諫之德光
矣上頗采

集覽

衿衿說文自誇曰衿自媒曰衿衿音熒絹反雷同注見漢

章帝元和元年勦說記曲禮曰毋勦說鄭玄
注勦猶覽也謂取人之說以為已說也勦初
交反又初教反臆度以匄臆之意忖度之也
畏悞漢書匈奴入鴈門太守坐畏悞棄市顏
師古注悞乃

質實

便橋注見漢高后八年渭
橋咫尺喻不遠也賈逵曰

八寸曰咫十寸曰尺仲虺贊揚成湯不稱其
無過而稱其改過仲虺商之臣名為成湯左
相詳見商書仲虺之詰吉甫歌誦周宣不美
其無闕而美其補闕吉甫周之臣名為宣王
大將詳見大
雅蒸民之篇

書法

於是懷光破賊有功朝于行在杞懼
其言已白帝不見詔使引軍還取長

安梁州之再辱始此矣書
至書詔引軍還病德宗也

發明

前書懷光帥眾赴長安既著其勤王
之實至是賊兵已退固當君臣相與

勞苦幸得解圍相見之意此亦人情之常
而乃遽使回軍擊賊何哉意懷怏怏此固

中人以下之所不能免也綱目書懷光至奉天詔引軍還取長安其嚴趣氣象至今猶可想見德宗信用姦邪所為若此能無再竄之辱乎

曹王臯遣使貢獻

陳少遊將兵討李希烈屯盱眙聞朱泚作亂歸廣陵修塹壘繕甲兵韓滉閉關梁禁馬牛出境築石頭城穿井近百所繕館第數十修塢壁起建業抵京峴樓堞相屬以備車駕度江且自固也鹽鐵使包佶有錢帛八百萬將輸京師少遊悉奪之時南方藩鎮各閉境自守惟曹王臯數遣使間道貢獻

集覽

閉關梁閉關也關界上之門梁橋也塢壁埤蒼

云小障曰塢軍壘臨危曰壁京峴山名即京鎮也在今鎮江府治東五里京口因山得名

質實

盱眙縣名注見秦二世二年廣陵郡名注見漢武帝元朔五年淮南石頭城注

見漢獻帝建安十七年建業郡名注同上興平二年金陵京峴山名在鎮江府城東五里即秦所鑿泄王氣處吳謂之京口京鎮以此

書法

書于義也州鎮奉上常事也曷為予之於是天子在難南方藩鎮各閉境自守惟臯數遣使貢獻可謂義矣故貢獻不書此書曹王後書韓滉皆義之

十二月貶盧杞白志貞趙贊為遠州司馬

李懷光頓兵不進上表暴揚杞等罪惡衆論
 誼騰亦咎杞等上不得已皆貶爲司馬范氏
 曰德宗性與小人合故其去小人也難遠君
 子也易忠正之士一言忤意則終身擯斥盧
 杞之徒迫於危亡不得已然後去之豈惡治
 而欲亂哉蓋其性與小人合也胡氏曰慶賞
 刑威曰君故刑賞必自人君出則權不下移
 當賞不賞迫於公議而後賞當刑不刑迫於
 公議而後刑則權不在於上而人畏愛之心
 他適矣德宗保養巨姦瀕於危亡而不忍去
 及李懷光再三陳論然後不得已而黜杞等
 是爲天子不能退姦而將帥乃能退之致懷
 光輕視朝廷旋即肆逆向使德宗早用陸贄
 之言自罷杞等則下陵上替之勢何自而起

昔

質實

司馬官名注見漢武帝天漢二年

以陸贄爲考功郎中

贄辭曰行罰先貴近而後卑遠則令不犯行
 賞先卑遠而後貴近則功不遺望先錄大榮
 次徧羣品則臣亦
 不敢獨辭上不許

李希烈陷汴滑州陳少遊叛

希烈攻汴州李勉城守累月外救不至將其
 衆萬餘人奔宋州滑州刺史李澄以城降賊
 勉上表請罪上曰朕猶失守宗廟勉宜自安
 待之如初希烈遂拔襄邑江淮大震少遊送

款於希烈遣使

質實

宋州注見漢後主延熙十八年雅陽滑州注見

隋恭帝皇泰二年襄邑縣名注見漢順帝陽嘉二年鄆州注見肅宗寶應元年

閣播罷

甲子 興元元年春正月大赦

陸贄言於上曰昔成湯以罪已勃興楚昭以善言復國陛下誠能不吝改過以謝天下使書詔之辭無所避忌則反側之徒革心向化矣上然之故奉天所下書詔雖驕將悍卒聞之無不感激揮涕會術者言國家厄運宜有變更群臣請更加尊號上以問贄贄曰尊號

之興本非古制行於安泰之日已累謙冲兢乎喪亂之時尤傷事體必也俯稽術數須有變更與其增羨稱而失人心不若黜舊號以祗天戒上納其言又以中書所撰赦文示贄贄言動人以言所感已淺言又不切人誰肯懷今茲德音悔過之意不得不深引咎之辭不得不盡洗刷疵垢宜暢鬱堙使人人各得所欲則何有不從者乎然知過非難改過為難言善非難行善為難假使赦文至精止於知過言善猶願聖慮更思所難上然之乃下制曰致理興化必在推誠忘已濟人不吝改過小子長于深宮之中暗於經國之務積習易溺居安忘危不知稼穡之艱難不恤征戍之勞苦澤靡下究情未上通事既壅隔人懷

疑阻由昧省已遂用興戎遠近騷然衆庶勞
 止天譴於上而朕不悟人怨於下而朕不知
 馴致亂階變興都邑萬品失序九廟震驚上
 累祖宗下負蒸庶痛心醜貌罪實在予自今
 中外書奏不得言聖神文武之號李希烈田
 悅王武俊李納等咸以動舊各守藩維朕撫
 御垂方致其疑懼皆由上失其道下罹其災
 朕實不君人則何罪宜并所管刺史等一切
 待之如初朱滔雖緣朱泚連坐路遠必不同
 謀念其舊勳務在弘貸如能效順亦與惟新
 朱泚反易天常盜竊名器暴犯陵寢所不忍
 言獲罪祖宗朕不敢赦其脇從將吏百姓等
 官軍未到以前並從赦例赴奉天及救京城
 士金賜名奉天定難功臣其所加墊陌錢

稅間架竹木茶漆權鐵之類悉宜停罷赦下
 四方人心大悅後李抱真入朝爲上言山東
 宣布赦書士卒皆感泣臣見
 人情如此知賊不足平也
 也詩有覲面目注覲姑也李氏曰以
 爲媿耻者非姑音下甜反多詐也
 以罪已勃興商書湯誥辭曰予小子履敢用
 玄牲敢昭告于皇皇后帝有罪不敢赦帝臣
 不蔽簡在帝心朕躬有罪無以萬方萬方有
 罪罪在朕躬詳見論語楚昭以善言復國楚
 書曰楚國無以爲寶惟
 善以爲寶詳見說苑

王武俊田悅李納上表謝罪

先是上使人說王武俊田悅李納赦其罪賂以官爵悅等皆密歸故而猶未敢絕朱滔至是見赦令皆法王號上表謝罪

李希烈僭號

李希烈自恃兵彊遂謀稱帝遣人問儀於顏真卿真卿曰老夫嘗為禮官所記惟諸侯朝天子禮耳希烈遂稱大楚皇帝以其黨鄭賁孫廣李綏李元平為宰相遣其將辛景臻謂顏真卿曰不能屈節當自焚積薪灌油於其庭真卿趨赴火景臻遽止之希烈又遣其將楊峯齎赦如淮南壽州刺史張建封執之腰斬以徇具奏少遊附賊之狀上悅以建封為

濠壽廬都團練使希烈乃以其將杜少誠將步騎萬餘人先取壽州建封遣其將賀蘭元均守霍丘少誠竟不能過遂南寇蘄黃欲斷江路曹王臯遣蘄州刺史伊慎將兵擊破之希烈以夏口上流使其將董侍襲鄂州刺史李蕪出戰大破之以蕪為鄂岳沔都團練使於是希烈東畏曹王臯西畏李

集覽

夏口注見漢獻

蕪不敢復有窺江淮之志矣

帝建安十三年 **質實** 州名濠注見宋孝武大明五年壽注見秦王政六年壽春廬注見漢景帝五年廬江霍丘縣名注見梁武帝天監五年鄂岳沔三州名鄂注見漢後主建興七年武昌岳注見宋文帝元嘉三年巴陵沔注見玄宗

天寶六年漢陽

置瓊林大盈庫於行宮

上於行宮廡下貯諸道貢獻之物榜曰瓊林大盈庫陸贄諫曰天子與天同德以四海為家何必撓廢公方崇聚私貨效匹夫之藏以誘姦聚怨乎且頃者六師初降百物無儲殆將五旬死傷相枕畢命同力竟夷大難良以陛下不厚其身不私其欲絕甘輟食以昭功勞無猛制而人不携懷所感也無厚賞而人不怨悉所無也今者攻圍已解衣食已豐爾誣譟方興軍情稍阻豈不以患難既與之同憂而好樂不與之同利乎誠能近想重圍之

殷憂追戒平居之專欲凡在二庫貨賄盡令出賜有功每獲珍華先給軍賞如此則亂必靖賊必平徐駕六龍旋復都邑天子之貴豈當憂貧是乃散小儲而成大儲損小寶而固大寶也上即命去其榜胡氏曰德宗以專欲致禍困而不喻惟貨是黷自古人君不足用為善蓋鮮儷矣非陸宣公精忠厚德盡事之義其誰能不起遁光膠口之意哉烏乎贄可為人臣之式矣

集覽 人不携携離也不携謂無離之式矣

心殷殷注殷本作愆通作隱愆愆然痛也徐駕六龍徐安行也續漢書天子五路駕六馬故曰六龍易乾卦時乘六龍以御天注處則乘潛龍出則乘飛龍故曰時乘六龍鮮儷鮮

少儷

質實

六師注見玄宗天寶十五年

書法

大盈有庫舊矣於是積諸道貢獻於行宮廡下而榜之云耳則其書曰置庫何病德宗也德宗志於貨利在難不悛故其發見如此綱目書曰置庫所以深病也

發明

德宗以拮斂致禍方在播越之中而又重尋覆轍是尚可與有為者哉書置瓊林大盈庫於行宮其惡不待貶絕而自見矣行宮且爾况處京師無事之地乎

以蕭復為江淮等道宣慰安撫使

蕭復嘗言於上曰宦官為監軍恃恩縱橫此屬但應掌宮掖之事不宜委以兵權國政上不悅又嘗言陛下踐祚之初聖德光被自用楊炎盧杞黷亂朝政以致今日陛下誠能變更睿志臣敢不竭力儻使臣依阿苟免臣實不能又嘗與盧杞同奏事杞順上旨復正色曰盧杞言不正上愕然退謂左右曰蕭復輕朕命復克山南荆湖江淮等道宣慰安撫使實疎之也既而劉從一及朝士多奏留復上謂陸贄曰朕欲遣重臣宣慰江淮宰相朝士僉謂宜然今乃反覆如是意復悔行使之論奏卿知復如何人其意安在贄上疏曰復痛自修勵慕為清貞用雖不周行則可保至於輕詐如此復必不為借使復欲逗遛從一安

肯附會願陛下明加辨詰若復有所請求則
從一何容為隱若從一自有回互則蕭復不
當受疑上亦竟不復辨也胡氏曰蕭復請德
宗變更亂志此格其非心引諸當道之言也
又以去留與帝為約不行而後去心則無愧
夫豈度君之長短而用吾尺寸以俯就之哉
若復者可謂大臣矣然復言宦官縱橫而上
不悅是與宦官為一體也言盧杞不正而上
愕然是與盧杞為一心也
集覽 掌宮掖之事
其不可與有為也決矣
唐初太常定
制內侍省不置三品官不任以事唯門閣守
衛廷內掃除黃衣稟食而已行則可保言不
悔行也去留與帝為約蕭復所謂臣敢不竭
力者留也臣實不能者去也此二句是與帝

為約也
正誤 行則可保今按行去聲集覽似以
行為平聲大槩言蕭復平日之行

不獨指不
質實 山南道名注見漢獻帝建安
悔行一事 十二年襄陽逗遛注見漢宣

帝本始
三年

詔復王武俊田悅李納官爵

朱滔使人說田悅欲與共取大梁悅不欲行
而未忍絕滔召官屬議之許士則曰朱滔昔
事李懷仙與兄泚及朱希彩共殺懷仙而立
希彩又殺希彩而立泚泚既為帥滔乃勸泚
入朝而自為留後雖勸以忠義實奪之權平
生與同謀其功負而殺之者二十餘人使滔

得志泚亦不為所容况同盟乎不若陽許偕
 行陰為文備厚加迎勞至則託以他故遣將
 分兵而隨之則大王外不失報德之名而內
 無倉猝之憂矣會武俊亦遣田秀馳見悅曰
 天子方在隱憂以德綏我我曹何得不悔過
 而歸之且捨九葉天子不事而事泚及滔乎
 八郎慎勿與俱南但閉城拒守武俊請伺其
 隙連昭義之兵擊而滅之與八郎再請河朔
 共事天子不亦善乎悅意遂決約滔曰如約
 滔將步騎五萬人回紇三千人發河間而南
 入趙境武俊大懼犒享入魏境悅供承倍豐
 滔遣使見悅約與偕行悅曰昨日將出軍將
 士勒兵不聽曰國兵新破將士不免凍餒若
 舍城邑而去朝出暮必有變然悅不敢貳已

令步騎五千從行供芻牧之役矣滔大怒
 日遣兵攻宗城經城冠氏皆拔之又縱回紇
 掠館陶頓幄帟器皿車牛以去悅閉城自守
 滔分兵攻貝魏於是詔加田悅右僕射復以
 武俊為恒冀深趙節度 **集覽** 九葉天子高祖
 使李納為平盧節度使 **集覽** 至德宗凡九帝
 矣故曰九葉八郎謂田悅館陶頓舍也館
 陶注見晉孝武帝永元九年幄帟周禮注四
 合象宮室曰幄平帳曰赫幄中坐上承塵也
 皆以繒為之又三禮圖曰在上曰帟四旁及
 上曰帷上下四 **質實** 大梁郡名注見周顯王
 旁悉周曰幄 二十九 昭義鎮名注
 見周赧王五十三年上黨宗城縣名注見漢
 靈帝中平元年經成注見梁武帝天監七年

通鑑綱目卷四十二 唐德宗皇帝

經縣冠氏縣名注見隋煬帝大業十三年具
魏二州名具注見漢安帝建光元年魏注見
漢成帝綏和二年魏郡平盧節
度注見漢桓帝永康元年青州

發明 王武俊等連衡反叛德宗討之而不
能克一經大變引咎責躬武俊等遽

上表謝罪綱目前已書于冊至此遂詔復
其官爵則是聽其改過自新以恕待人此
忠厚之意也而亦
綱目予之之意也

遣使發吐蕃兵

吐蕃尚結贊請出兵助唐收京城
遣秘書監崔漢衡使吐蕃發其兵

集覽 尚結
贊吐

蕃之相也吐蕃之俗不言姓官族皆曰尚王
族皆曰論結贊其名結贊官族也故稱尚

質實 吐蕃西羌種名注見太宗
貞觀八年崔漢衡博平人

書法 天寶之末回紇吐蕃請助討賊則書
請助於是吐蕃請助收復則何以不
書削之也曷為削之吐蕃受賂觀望反覆
無功而歸則非誠心請助者矣然則何以
書書發兵書歸國所
以著夷兵不足恃也

二月贈賈秀實太尉謚忠烈

書法 贈書謚重死節也故果卿書謚忠節
秀實書謚忠烈貞卿書謚文忠皆死

節者也綱目書贈官十二詳晉明帝太寧二年而書謚曰其者三人而已矣詳貞元

三

○李希烈圍寧陵

李希烈將兵五萬圍寧陵引水灌之濮州刺史劉昌以三千人守之凡四十五日不釋甲韓滉遣其將王栖曜將兵助之以彊弩數千游汴水夜入城明日從城上射希烈及其坐幄希烈驚曰宣潤弩手至矣遂解圍去

集覽

宣潤宣本秦之鄆郡漢改丹陽郡後漢改宣城隋改宣州宋陞寧國府潤本秦丹徒郡三國吳改京口隋置潤州唐改丹陽郡

宋陞鎮

質實

寧陵縣名注見漢後王景耀二年濮州注見周安王五年濮陽

汴水注見晉安帝義熙十二年宣潤二州名宣注見漢明帝永平十三年丹陽潤注見晉成帝咸和三年京口

李晟還軍東渭橋

初李晟與劉德信俱屯東渭橋德信不受晟節制晟因其三營數以瀉澗之敗斬之因馳入其軍并將之軍勢益振李懷光有異志又惡李晟獨當一面恐其成功奏請與晟合軍詔許之晟與懷光會于咸陽西懷光軍士多掠人牛馬晟軍秋毫不犯懷光軍士惡其異

已分所獲與之。晟軍終不敢受。懷光密與朱泚通謀。事迹頗露。李晟屢奏恐為所併。請移軍東渭橋。奏不下。懷光欲激怒諸軍。奏言：諸軍糧賜薄，神策獨厚，厚薄不均，難以進戰。上無以給之，乃遣陸贄詣懷光營宣慰。因召李晟參議。懷光欲晟自乞減損，使失士心。晟曰：公為元帥，得專號令，增減衣食，公當裁之。懷光默然遂止。吐蕃相尚結贊言：蕃法發兵以主兵大臣為信。今制書無懷光名，故不敢進。上命贄諭懷光，懷光竟不肯署。尚結贊亦不進軍。贄還言：賊泚勢窮，援絕，懷光乘勝芟剪，易若摧枯，而寇奔不追，師老不用，每阻諸帥進取之謀，若不漸思制持，終恐變故難測。今李晟奏請移軍，臣嘗以問懷光，懷光乃云：李

晟既欲別行，某亦都不要藉願。因此敕下，依晟所奏，而別詔懷光曰：李晟奏請移軍，城東以分賊勢，本欲委卿商量。遠陸贄迴云：卿言許去，遂允其請。如此則詞婉而直，理順而明。雖蓄異端，何由起怨。上從之。時李建徽、楊惠光猶與懷光聯營。贄復奏曰：懷光當管師徒，足以獨制克寇。逗留未進，抑有他由。所患太彊，不資旁助。建徽、惠光之眾，附麗其營，不相統屬，俾之同處，必不兩全。今宜託言晟兵素少，慮為賊泚所邀，藉此兩軍迭為犄角，仍先諭旨密使，促裝詔書至營。即日進路，懷光意雖不欲，然亦計無所施。是謂先人有奪人之心，疾雷不及掩耳者也。上曰：卿所料極善。然如此則懷光必更生辭，轉難調息。且更俟旬

時

集覽

東渭橋注見漢文帝三年中渭橋附麗附依麗著也麗如字讀或作離莊

附離不以膠漆注離音疾亦附也謂使離

者相附也荷角注見漢昭烈帝章武二年先

人有奪人之心左傳軍志有之先人有奪人

之心軍之善謀也注先人而制人所以奪敵

之戰心也

質實

咸陽縣名注見周顯王十九年

加李懷光太尉賜鐵券

李晟以為懷光反狀已明緩急宜有備蜀漢之路不可壅請以裨將趙光銑等為洋利劍三州刺史各將兵以防未然上欲親總禁兵幸咸陽趣諸將進討或謂懷光曰此漢祖遊

雲夢之策也懷光大懼反謀益甚詔加懷光

太尉賜鐵券遣使諭旨懷光對使者投鐵券

於地曰人臣反賜鐵券懷光不反今賜鐵券

是使之反也辭氣甚悖左兵馬使張名振當

軍門大呼曰太尉視賊不擊待天使不敬果

欲反邪懷光曰我不反欲蓄銳以俟時耳懷

光又發卒城咸陽移軍據之名振曰乃者言

不反今不攻長安殺朱泚取富貴而拔軍此

來何邪懷光殺之懷光潛與朱泚通謀其養

子石演芬遣客詣行在告之事覺懷光召演

芬責之曰我以爾為子柰何首我死甘心乎

演芬曰天子以太尉為股肱太尉以演芬為

心腹太尉既負天子演芬安得不負太尉乎

演芬胡人不能異心惟知事一人苟免賊名

而死死甘心矣懷光使左右齎食之皆曰義士也以刀斷其喉而去

集覽

漢祖遊雲

夢之策漢高帝六年人有上書告韓信反者帝用陳平計偽遊雲夢信來謁帝令武士縛

信載後車歸而殺之鐵

質實

洋利劍三州洋

券注見漢高帝十二年後魏分置興勢縣尋於縣置儻城郡隋初郡廢縣屬洋州後州廢屬漢中郡唐屬洋州改

為興道縣天寶初洋州始徙治於此孟蜀改洋州曰源州宋復為洋州陞武康軍元仍為

洋州以附郭興道縣及真符縣併入國朝改為洋縣屬漢中府利注見漢獻帝建安十

六年葭萌劍注見玄宗天寶十五載

李懷光反帝奔梁州

書法

凡書鐵券譏也綱目書賜鐵券三宋祿山李懷光王行瑜皆終反者也

上以懷光附賊將率梁州山南節度使嚴震遣大將張用誠將兵五千迎衛用誠為懷光

所誘陰與之通謀會震繼遣牙將馬勛奉表上語之故勛請詣梁州取震符召用誠還不

受命則殺之遂去得震符請將士五人與俱用誠迎之勛與入驛出符示之用誠起走壯

士自後擒之送震杖殺之李懷光襲奪李建徽楊惠元軍殺惠元建徽走免懷光又與韓

遊瓌書約使為變遊瓌奏之上問策安出對曰懷光總諸道兵故敢恃眾為亂今邠寧靈

武河中振武潼關渭非皆有守將陛下各以其眾及地授之尊懷光之官罷其權則行營諸將各受本府指麾矣懷光獨立安能為亂上曰如此若朱泚何對曰陛下既許將士以克城殊賞將士奉天子之命以討賊取富貴誰不願之泚不足憂也上然之懷光遣其將趙昇鸞入奉天約為內應昇鸞詣渾瑊自言瑊遽以聞且請決幸梁州上遂出城命戴休顏守奉天休顏徇於軍中曰懷光已反遂乘城拒守涇卒之亂兵部侍郎劉廼以病卧家朱泚召之不起使蔣鎮說之再往不從鎮乃歎曰鎮不能捨生以至於此豈可復以已之腥臊污漫賢者乎獻歛而反廼聞上幸山南自投于床不食而卒喬琳從至盩厔稱病為

僧泚召為吏部尚書於是朝士多出仕泚懷光遣其將孟保惠靜壽孫福達將精騎趣南山邀車駕至盩厔相謂曰彼使我為不臣我以追不及報之不過不使我將耳帥眾而東縱之剽掠由是百官從行者皆得入駱谷以追不及還報懷光皆黜之

集覽 涇卒

之亂去年發涇原道兵過京師遂作亂汚漫賢者莊子讓王篇以其辱行漫我注漫音慢以耻辱之行汚漫我也荀子正論篇流淫汚慢注慢當作漫亦汚也駱谷注見漢後主延熙七年

質貫

梁州注見周赧王四年漢中嚴震梓州鹽亭人仇之第河中府名注

見周赧王十二年蒲坂渭北渭水之北注見漢高帝五年獻歛注見漢光武建武元年山

南道名張九韶曰唐置山南東道治襄陽山南西道治漢中蓋屋縣名注見漢哀帝建平三年南道注見晉元帝太興四年終南山

書法

奉天書如此其書奔何急也果鸞內應福達輩復邀車駕自非數子稍知大義得入駱谷鮮矣播越之辭有三如緩辭也奔急辭也走賤辭也終綱目書如四劫如二書出奔四書奔九書走六詳玄宗天寶十五載

發明

涇卒之變綱目書上如奉天至是奉天之圍已解乃書帝奔梁州何哉懷光之反不烈於朱泚梁州之幸不急於奉天而書法不同如此者德宗播越懷光遠

來赴難幸而有功畧無問勞撫慰之意乃聽盧杞之言咫尺天子不得一而面而行遽趣之擊賊遂使懷光怨望迄成反叛此蓋信用小人其禍至此德宗於忠臣賢士之言百不從一而於小人之言聽受如響凡所以再致播遷皆其自取故特書奔以賤之耳奔者匹夫逃竄苟免之事以萬乘而書奔可愧之甚矣然則懷光獨無貶乎曰叛君及逆之賊其罪猶待貶黜而後見邪

加神策行營節度使李晟同平章事

李晟得除官制拜哭受命謂將佐曰長安宗廟所在天下根本若諸將皆從行誰當滅賊

者乃治城隍繕甲兵為復京城之計是時懷光朱泚連兵聲勢甚盛晟以孤軍處其間內無資糧外無救援徒以忠義感激將士故其眾雖單弱而銳氣不衰又以書遺懷光辭禮卑遜而諭以禍福勸之立功補過故懷光慙慙未忍擊之晟以判官張彧假京兆尹擇四十餘人假之官以督渭北諸縣芻粟不旬日皆充羨乃流涕誓眾決志平賊

質實

長安縣名注見

漢惠帝五年

三月魏博兵馬使田緒殺其節度使田悅權知

軍府

田悅用兵數敗士卒死者什六七其下厭苦之上以給事中孔巢父為魏博宣慰使巢父孔子三十七世孫也性辯博至魏州對其眾為陳逆順禍福悅及將士皆喜兵馬使田緒承嗣之子也凶險多過失悅杖而拘之悅以歸國撤警備緒遂與左右殺悅及其將佐扈粵許士則蔡濟等登城大呼謂眾曰緒先相公之子諸君受先相公恩若能立緒兵馬使賞緡錢二千大將半之士卒百緡竭公私之貨五日取辦於是將士皆歸緒軍府乃定因請命於巢父巢父命緒權知軍府朱滔聞悅死遣馬寔攻魏州別遣人說緒許以本道節度使緒方危迫送款於滔李抱真王武俊又遣使詣緒許以赴援緒召將佐議之幕僚曾

穆盧南史曰用兵雖尚威武亦本仁義然後
有功幽陵之兵恣行殺掠今雖盛疆其亡可
立而待也奈何以目前之急欲從人爲反逆
乎不若歸命朝廷天子方蒙塵於外聞魏博
使至必喜官爵旋踵而至矣
緒從之遣使奉表請行在
祖武德
四年

質實

幽陵卽幽州注見高

書法

權知軍府何請帥也故綱目特書權
逐殺主帥用爲主帥君子所深譏也

必若田緒然後書以
爲節度使不爲譏矣

李懷光奔河中

上之發奉天也韓遊瓌帥其麾下八百餘人
還邠州李懷光以李晟軍浸盛惡之欲引軍
襲之三令其衆衆不應皆竊言曰若擊朱泚
惟力是視若欲反我曹有死不能從也懷光
知之問計於賓佐李景畧曰取長安殺朱泚
散軍還諸道軍騎請行在如此臣節亦朱虧
功名猶可保也頓首懇請至于流涕懷光許
之既而閻晏等勸懷光東保河中徐圖去就
懷光乃說其衆曰今且往河中俟春裝辦還
攻長安未晚也東方諸縣皆富實聽爾俘掠
衆遂許之懷光乃謂景畧曰曷者之議軍衆
不從子宜速去遣數騎送之景畧出軍門慟
哭曰不意此軍一旦陷於不義懷光遣使請
邠州令留後張昕悉發所留兵萬餘人及行

營將士家屬會涇陽韓遊瓌說昕曰李太尉
功高自棄已蹈禍機中丞今日可以自求富
貴昕曰昕微賤賴李太尉得至此不忍負也
遊瓌乃謝病不出陰與諸將相結舉兵殺昕
胡氏曰張昕武人固不知天下大義遊瓌業
已說之當更語之曰李太尉能奏人以官不
能以官予人官乃天子之命也太尉忠於天
子則中丞附之可以爲榮懷光背叛而中丞
與之兵是負國而黨賊也及今自拔脫身逆
亂之門策名忠義之列何名爲負哉如此則
昕亦必了然矣○會崔漢衡以吐蕃兵至矯
詔遊瓌知軍府事於是遊瓌屯邠寧戴休顏
屯奉天駱元光屯昭應尚可孤屯藍田皆受
李晟節度晟軍聲大振始懷光方彊朱泚與

書以兄事之約分帝關中及懷光已反其下
多叛泚乃賜以詔書且徵其兵懷光慙怒內
憂麾下爲變外恐李晟襲之遂燒營東走掠
涇陽等十二縣編犬無遺至河中或勸守將
呂鳴岳焚橋拒之鳴岳以音實李景畧幽州
兵少恐不能支遂納之音實良鄉人涇陽
縣名注見周赧王四十九年業已注見漢成
帝河平四年奉天縣名注見建中元年音實
縣名注見漢成帝鴻嘉元年新
豐藍田縣名注見周赧王三年

車駕至梁州

上在道民有獻瓜果者上欲以散試官授之
陸贄奏曰爵位恒宜慎惜不可輕用獻瓜果

者賜之錢帛可也。上曰：試官虛名，無損於事。贊曰：當今所病，乃在爵輕。設法責之，猶恐不重。若又自棄，將何勸人？夫誘人之方，惟名與利。名近虛而於教為重，利近實而於德為輕。專實利而不濟之，以虛則物力不給，專虛名而不副之，以實則人情不遂。故國家命秩之制，有職事有散官，有勲官有爵號，然掌務而受俸者，唯繫職事之一官。此所謂施實利而寓虛名者也。三者止於服色資蔭而已。此所謂假虛名以佐實利者也。今之負外試官，雖則授無費祿，然而突鉅鉞，挑患難，竭筋力，展勤効者，皆以是酬之。若獻瓜果者，亦以授之。則彼必相謂曰：吾以忘軀命而獲官，此以進瓜果而獲官，是乃國家以吾之軀命同於瓜果矣。視人如草木，誰復為用哉？今陛下既未有實利以敦勸，又不重虛名而濫施，則後之立功者，將曷用為賞哉？上居艱難中，雖有宰相小大之事，必與贊謀之。故當時謂之內相上行止，必與之俱。梁洋道險，嘗與贊相失，上驚憂涕泣，募得贊者，賞千金。久之，乃至上喜甚。太子以下皆賀，然贊數直諫，忤上意。盧杞雖貶，上心庇之。贊極言杞姦邪，致亂。上雖貌從心，頗不悅。車駕至梁州，山南地薄，民貧盜賊之餘，戶口減半。糧用頗窘，上欲西幸成都。嚴震曰：山南地接京畿，李晟方圖收復，籍六軍以為聲援。若幸西川，則晟未有收復之期也。眾議未決，會晟表至，言陛下駐驛漢中，所以繫億兆之心，成滅賊之勢。若規小捨大，遷

趨

都岷峨則士庶失望雖有猛將謀臣無所施

矣上乃止嚴震百方以聚財賦民不至困窮

而供億集覽試官唐試官始自武后引見存

無乏撫使舉人悉授試官高者鳳閣

舍人給事中其次者員外郎有職事有職掌

者謂之職事官有散官節度副使行軍司馬

司士文學助教為散官有勳官凡有轉

起正二品至從七品自上柱國至武騎尉有

爵號王公侯伯子男為爵號突錡鋒鈛思燕

反利也突觸利刃也梁洋梁本漢之漢中郡

晉置梁州唐以梁涼聲相近改名褒州尋復

故名至德宗陞興元府洋本漢中南鄉縣晉

改西鄉元魏置洋州駐驛車駕所止曰駐驛

岷峨蜀中二山名岷山即汶山在茂州去青

城石山百里俗呼鐵豹嶺峨山在嘉定府

有大峨中峨小峨三山俱在峨眉縣南

實成都府名注見晉武帝泰始八年益州西

實川注同上年益州漢中郡名注見周赧王

四年一統志云岷峨二山名岷山在成都府

茂州羌之列鷲村一名鴻蒙即隴山之南首

故稱隴蜀又名汶蕪山其附曰羊膊江水所

出也山直上六十里嶺之最高者遇大雪開

洋望見成都峨山在嘉定州峨眉縣西一百

里兩山相對如蛾眉故又名蛾眉山周迴千

里有石龕一百十二大小洞四十

南北有臺重巖復澗莫測遠近

發明前書帝奔梁州者譏德宗自致奔竄

之失此書車駕至梁州者正天子萬

乘之儀

鳳翔節度使李楚琳遣使請行在

初奉天圍既解李楚琳遣使入貢上不得已
 除鳳翔節度使而心惡之使者數輩至上皆
 不引見欲以渾瑊代之陸贄奏曰楚琳之罪
 固大但以乘輿未復大慙猶存勤王之師悉
 在畿內僅通王命唯在褒斜儻或楚琳發憾
 猖狂則我咽喉梗而心膂分矣今幸兩端願
 望正宜厚加撫循得其持疑便足集事必欲
 精求素行追挾宿疵則是改過不足以補愆
 自新不足以贖罪凡今將吏豈盡無疵人皆
 省思孰免疑畏又况阻命脇從之流安敢歸

化哉上乃善待楚琳使者優詔存慰之○上
 入問贄近有卑官自山北來者論說賊勢語
 多張皇察其事情頗似窺覘若不追尋恐成
 姦計贄上奏曰以一人之聽覽而欲窮宇宙
 之變態以一人之防慮而欲勝億兆之姦欺
 役智彌精失道彌遠項籍納秦降卒二十萬
 慮其懷詐而盡阬之其於防虞亦已甚矣漢
 高帝達大度天下之士至者納用不疑其於
 備慮可謂疏矣然而項氏以滅劉氏以昌蓄
 疑之與推誠其效固不同也陛下智出庶物
 有輕待人臣之心思用萬機有獨馭區寓之
 意謀吞衆略有過慎之防明照群情有先事
 之察嚴束百辟有任刑致理之規威制四方
 有以力勝殘之志由是才能者怨於不任忠

蓋者憂於見疑著勲業者懼於不容懷反側者迫於及討馴致離叛構成禍災願陛下以

覆轍為戒集覽大憝注見玄宗天寶十五載天下幸甚勤王注見漢獻帝建安元年

覆斜注見漢成帝元延三年追挾宿疵挾通作缺古穴反搃缺也挑發貌宿疵猶言舊病

謂往日之瑕疵今復追尋而挑發之前漢孫寶傳故搆缺以揚我惡忠蓋詩文王篇王之

蓋臣注蓋進也音才刃反呂氏曰忠愛之篤進進無已李公覬注蓋在忍反忠也質

質行在注見晉惠帝永興元年鳳翔節度注見周顯王八年岐乘輿注見漢安帝延光

四年宇宙注見梁簡文帝大寶元年反側注見肅宗寶應元年

發明李楚琳以偏裨殺主帥降于逆泚其罪大矣然是時乘輿越在草莽力未能制楚琳乃能委曲致貢不遂其怙終之

惡故綱目書其遣使請行在以予之此以恕待人不能輕

絕物之意也

夏四月以韓遊瓌為邠寧節度使○加李晟諸

遣副元帥

晟家百口及裨策軍士家屬皆在長安朱泚善遇之軍中有言及家者晟泣曰天子何在敢言家乎泚使晟親近以家書遺晟曰公家無恙晟怒曰爾敢為賊為問立斬之軍士未

授春衣盛夏猶衣
表襦終無叛志

質實

神策軍名注
見建中四年

以田緒為魏博節度使○渾瑊以吐蕃兵援武

功
渾瑊帥諸軍出斜谷崔漢衡勸吐蕃出兵助
之尚結贊曰勿軍不出將襲我後韓遊瓌聞
之遣其將曹子達將兵往會吐蕃遣兵二萬
從之李楚琳遣將從瑊援武功泚遣其將韓
旻等攻之子達以吐蕃拒擊斬首萬餘級旻
僅以身免瑊遂引兵屯奉天與李晟東西相
應以逼
質實斜谷注見漢成帝元延三年武
長安功縣名注見漢後王建興十二

年

姜公輔罷為左庶子

上長女唐安公主薨上欲為造塔厚葬之姜
公輔表諫以為山南非久安之地且宜儉薄
以副軍須之急上謂陸贄曰造塔小費非宰
相所宜論公輔正欲指朕過失自求名耳贄
上奏曰凡論事者當問理之是非豈計事之
大小故唐虞之際至聖臣賢而慮事之微日
至萬數然則微之不可不重也如此陛下又
安可忽而勿念乎若謂諫爭為指過則剖心
之主不宜見罪於哲王以諫爭為取名則匪
躬之臣不應垂訓於聖典假有意將指過諫

以取名但能聞善而遷見諫不逆則所指者
 適足以彰陛下莫大之善所取者適足以資
 陛下無靈之休因而利焉所獲多矣儻或怒
 其指過而不改則陛下招惡直之譏黜其取
 名而不容則陛下被違諫之謗是乃掩已過
 而過彌著損彼名而名益彰果而行之所失
 大矣上意猶怒罷公輔為左庶子范氏曰人
 君擇賢以為相蓋欲聞其忠言嘉謀以交修
 所不逮也故書曰朝夕納誨以輔台德而後
 世宰相遂與諫臣分職人君得失責之諫者
 而相不預焉此諂諛之人持祿保位之計非
 賢相之職業也姜公輔一諫德宗而德宗以
 為非所宜論卒廢黜之不**集覽**剖心之主王
 明之君豈知所以任相哉

之臣也紂無道比干彊諫紂怒曰吾聞聖人
 之心有七竅遂剖比干而觀其心匪躬之臣
 易蹇封王臣蹇蹇匪躬之故注執心不回志
 匡王室者也劉氏云匪躬之故謂非私其一
 身之事**正誤**剖心之主今按集覽欠明此謂
 故也謂若以諫爭為指過則紂殺比干為是不宜
 見罪於武王也哲王指武王恭誓數紂之罪
 有曰剖賢**質實**唐安祿山名注見宋文
 人之心**書法**書病德宗也二叛謝罪而蕭復出懷
 光東奔而公輔罷帝之性習如此尚
 可以有為哉

涇原大將田希鑒殺其節度使馮河清

朱泚姚令言數遣人誘河清清河清皆斬其使者大將田希鑒密與泚通殺河清而附於泚

以賈耽為工部尚書

先是耽為山南東道節度使使行軍司馬樊澤奏事行在澤既復命方大宴有急牒至以澤代耽耽內牒懷中顏色不改宴罷召澤告之且命將吏謁澤牙將張獻甫怒曰行軍自圖節鉞事人不忠請殺之耽曰天子所命則為節度使矣即日離鎮以獻甫自隨軍府遂安

質實

節鉞蘇鸚演義曰節編毛為之上下相重取象竹節因以為名長一尺二

寸大將所擁秦漢以下改為旌幢之形近世漸長數尺鉞大斧也書牧誓篇王左杖黃鉞即此顏師古曰節以專殺鉞以專斷節鉞必上賜之示征伐自天子出也又旌節注見貞

元十
八年 **質實**

賈耽滄州南皮人樊澤河中人

書法

工部尚書未有書者此其書何美耽也先是耽鎮山南遣其司馬樊澤奏

事澤既復命有旨以澤代耽牙將怒請殺之耽不許即日離鎮代德以來方鎮跋扈未有恭順如耽者也故特書之

韓瑛引兵會渾瑊於奉天○李抱真會王武

俊於南宮

朱滔攻貝州百餘日馬寔攻魏州亦踰四旬皆不能下賈林復為李抱真說王武俊曰朱滔志吞貝魏復值田悅被害儻旬日不救則魏博皆為滔有矣魏博既下則張孝忠必為之臣滔連三道之兵益以回紇進臨常山明公欲保其宗族得乎常山不守則昭義退保西山河朔盡入於滔矣不若乘貝魏未下與昭義合兵救之滔既破亡則朱泚不日梟夷蠻輿反正諸將之功孰居明公之右者哉武俊悅從之軍于南宮東南抱真自臨洛引兵會之兩軍尚相疑抱真以數騎詣武俊營命行軍司馬盧玄卿勒兵以俟曰今日之舉繫

天下安危若其不還領軍事以聽朝命亦惟子勵將士以雪讎耻亦惟子言終遂行見武俊叙國家禍難天子播遷持武俊哭流涕縱橫武俊亦悲不自勝左右莫能仰視遂與武俊約為兄弟誓同滅賊抱真退入武俊帳中酣寢久之武俊感激待之益恭指心仰天曰此身已許十兄死矣遂連營而進

集覽 不日梟夷梟掛首木上也夷芟之也不日猶言即日謂非久可梟其首而夷滅其族也

鑿輿反正鑿通作鸞說文曰人君乘車駟馬鑿八鑿鈴象鑿鳥聲動則鸞鳴以應行節崔豹古今注五路銜上金雀者朱鳥也口銜鈴謂之鸞也反正或解云猶言中興也案杜甫贈別賀蘭鈺詩國步初反止乾坤尚風塵注

黃鶴云國祚再復蓋曰反正不得為中興凡非我失之自我復之為中興漢光武晉元是也自我失之因人復之謂之反正晉孝惠孝安是也此言蓋與反正謂德宗車駕先奔梁州後還長安國祚再復也南宮注見漢帝玄更始二年臨洛縣名屬洛州案洛州今廣平府是今廣平永年縣有臨洛鎮感激說文曰感激憐憫貌杜甫詩裘馬誰為感激人注案宋江總曰今出入無馬禦寒無裘誰是感激之士謂誰肯憐憫其貧也即此

正誤

質實

常山郡名注見漢光武建

誠心相與而志意激發也武九年昭義鎮名謂李抱真又注見貞元十年西山莫詳處所唯潞州長子縣西五十里

有西山一名發鳩山山海經云發鳩多怪水有鳥名精衛相傳炎帝小女遊於海溺而不返化為鳥此鳥嘗取西山木石以堙東海即此未知是否觀者祭之臨洛縣名注見建中二年縱橫注見周安王十五年

書法

韓游壞書會重兵也此兩將胥會耳何以書師克在和也於是兩軍相望

尚未相信微抱真忘身徇義單騎往見則兩將終未孚而朱滔之破未可知也然則此一會也所謂繫天下安危者非過言矣

通鑑綱目卷四十六


通鑑綱目卷四十六

二十一

通鑑綱目卷之八十四

三

三十三



Faint, mostly illegible text in vertical columns, likely bleed-through from the reverse side of the page. Some characters are more prominent, such as '周' (Zhou) and '金' (Gold).

周
金

山

